

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНинг ҚАРОРИ

ТАЪЛИМ ТИЗИМИДА МАҶНАВИЙ-МАҶРИФИЙ ИШЛАР САМАРАДОРЛИГИНИ ОШИРИШ ЧОРА-ТАДБИРЛАРИ ТҮҒРИСИДА

Ўзбекистон Республикаси Президентининг «Ўзбекистон Республикасини янада ривожлантириш бўйича Ҳаракатлар стратегияси тўғрисида» 2017 йил 7 февралдаги ПФ-4947-сон **Фармони** ва «Олий таълим тизимини янада ривожлантириш чора-тадбирлари тўғрисида» 2017 йил 20 апрелдаги ПҚ-2909-сон **қарорида** белгиланган вазифалар ижросини таъминлаш ҳамда талаба ва ўқувчиларнинг маҷнавий-маҶрифий, маданий савиясини мунтазам ошириб бориш, уларнинг ўқишдан бўш вақтини мазмунли ўтказишини таъминлаш мақсадида Вазирлар Маҳкамаси қарор қиласди:

1. Ўзбекистон Республикаси Олий ва ўрта маҳсус таълим вазирлигининг Мирзо Улугбек номидаги Ўзбекистон Миллий университетига тегишли Тошкент шаҳар, Олмазор тумани, Талабалар шаҳарчасида жойлашган собиқ «Фудзияма» кафеси биносини тегишли худуди билан бирга (кейинги ўринларда объект деб аталади) Ўзбекистон Республикаси Олий ва ўрта маҳсус таълим вазирлиги ҳузуридаги «Маҷнавият ва маҶрифат» марказига (кейинги ўринларда Марказ деб аталади) оператив бошқариш ҳуқуки асосида бепул бериш, шунингдек, мазкур объектда Марказ таркибидаги Талабаларнинг медиа ижтимоий фаолияти ва маданий дам олиш масканини ташкил этиш тўғрисидаги таклифи маҶкуллансан.

2. Қўйидагилар Марказнинг асосий вазифалари этиб белгилансин:

олий ва ўрта маҳсус, касб-хунар таълими муассасаларининг талаба ва ўқувчиларини юртимиз ҳамда дунёда рўй берадиган ижтимоий-сиёсий, маданий, хусусан, ёшлар ҳаётига оид воқеалар, янгиликлар ва қизиқарли маълумотлардан тезкор хабардор қилиб, уларнинг вақтини мазмунли ўтказишига мўлжалланган виртуал ахборот макони (веб-сайт, портал, форум, мессенжерлардаги каналлар ва х.к.)ни яратиш ва доимий фаолият олиб боришини таъминлаш;

талаба ва ўқувчиларда китобхонлик ҳамда мутолаа маданиятини шакллантириш орқали уларнинг маҷнавий дунёсини юксалтиришга қаратилган ишларни ташкил этиб бориш;

ижтимоий тармоқлар фойдаланувчилари бўлган талаба ва ўқувчилар ҳамда уюшмаган ёшлар ўртасида уларни ватанпарварлик ва фидойилик руҳида тарбиялашга қаратилган ижтимоий акциялар, тадбир ва танловлар ташкил этиш, уларда миллий контентга бўлган қизиқишиларини оширишга қаратилган блоггерлар клуби фаолиятини йўлга қўйиш;

ўқиши ёки иш юзасидан хорижда истиқомат қилаётган ўзбекистонлик ёшлар билан мунтазам виртуал алоқани йўлга қўйиш ва улар билан Интернет жаҳон ахборот тармоғи орқали маҷнавий-маҶрифий тарғибот ишларини олиб бориш;

олий ва ўрта маҳсус таълим тизимида олиб борилаётган ислоҳотлар, таълим билан боғлиқ долзарб муаммолар ва уларнинг ечимини таҳлил қилиш ҳамда ёритиб бориш мақсадида прес-клуб ташкил этиш ва унинг доимий фаолиятини таъминлаш;

ёшларнинг бепул маданий дам олишларига қаратилган тадбирлар ташкил этиш, театр томошалари намойиш этиб борилишини таъминлаш, уларга ижтимоий-психологик ёрдам кўрсатиш хизматини ташкил этиш;

талаба ва ўқувчилар туризмини ривожлантириш, ёш авлодни мамлакатимизнинг тарихий жойларига ва буюк аждодларимизнинг муқаддас зиёратгоҳларига доимий ташрифларини уюштириш;

олий ва ўрта маҳсус таълим муассасаларида ўтказиладиган «Ахборот ва мураббийлик соатлари»ни методик таъминлаш ҳамда турли мавзуларда мультимедиа маҳсулотларини яратиш ва тарқатиб бориш;

профессор-ўқитувчилар, талаба ва ўқувчилар ўртасида ҳуқуқбузарлик ва коррупциянинг олдини олишга қаратилган маҷнавий-маҶрифий тарғибот ишларини мунтазам йўлга қўйиш;

олий ва ўрта махсус, касб-хунар таълим тизимида оммавий, маданий-маърифий ва спорт-соғломлаштириш тадбирлари ва турли мусобақаларни ўтказиб бориш.

3. Қўйидагилар:

Ўзбекистон Республикаси Олий ва ўрта махсус таълим вазирлиги хузуридаги «Маънавият ва маърифат» марказининг тузилмаси [1-иловага](#) мувофиқ;

Ўзбекистон Республикаси Олий ва ўрта махсус таълим вазирлиги хузуридаги «Маънавият ва маърифат» маркази фаолиятини такомиллаштириш ҳамда талаба ва ўқувчиларнинг дарсдан бўш вақтини мазмунли ташкил этиш чора-тадбирлари дастури [2-иловага](#) мувофиқ;

Ўзбекистон Республикаси Олий ва ўрта махсус таълим вазирлиги хузуридаги «Маънавият ва маърифат» маркази ходимларининг меҳнатига ҳақ тўлаш разрядлари [3-иловага](#) мувофиқ тасдиқлансин.

Ўзбекистон Республикаси олий ва ўрта махсус таълим вазирлига, зарур ҳолларда, Марказ тузилмасига тасдиқланган ходимларнинг умумий чекланган сони ва меҳнатига ҳақ тўлаш жамғармаси доирасида ўзгартиришлар киритиш хуқуки берилсин.

4. Ўзбекистон Республикаси Олий ва ўрта махсус таълим вазирлиги манфаатдор вазирлик ва идоралар билан биргаликда:

Ўзбекистон Республикаси Олий ва ўрта махсус таълим вазирлиги хузуридаги «Маънавият ва маърифат» маркази фаолиятини такомиллаштириш ҳамда талаба ва ўқувчиларнинг дарсдан бўш вақтини мазмунли ташкил этиш чора-тадбирлари дастурида белгиланган тадбирларни ўз вақтида ва самарали амалга ошириш чораларини кўрсин;

олий ва ўрта махсус, касб-хунар таълими муассасалари талabalari ва ўқувчилари, шунингдек, меҳнат ва ўкув жамоалари ўртасида спорт турлари бўйича мусобақалар ва марафонларни юқори савияда ўтказишга алоҳида эътибор қаратсин;

талаба ва ўқувчиларнинг бўш вақтини мазмунли ташкил этишга муносиб ҳисса қўшаётган профессор-ўқитувчилар ҳамда тўғарак раҳбарларининг фаолиятини мониторинг қилиш натижаларига кўра, уларни тегишли таълим муассасаларининг бюджетдан ташқари маблағлари хисобидан белгиланган тартибда моддий ва маънавий рағбатлантириб боришни мувофиқлаштирун.

5. Ўзбекистон Республикаси Олий ва ўрта махсус таълим вазирлиги:

бир ой муддатда Марказнинг янги таҳирдаги уставини ишлаб чиқсин ва белгиланган тартибда тасдиқласин;

Марказни зарур ихтисосликка эга бўлган малакали кадрлар билан таъминлаш, шунингдек, унинг моддий-техника базасини мустаҳкамлаш чора-тадбирларини кўрсин;

Марказнинг моддий-техника базасини мустаҳкамлаш, талаба ва ўқувчилар ҳамда профессор-ўқитувчилар ўртасида ўтказиладиган оммавий-маданий, спорт-соғломлаштириш ва маънавий-маърифий тадбирларни ўтказиши учун Ўзбекистон Республикаси Олий ва ўрта махсус таълим вазирлигининг Олий таълим муассасаларини ривожлантириш жамғармаси маблағларидан фойдалансин.

6. Ўзбекистон Республикаси Ахборот технологиялари ва коммуникацияларни ривожлантириш вазирлиги Марказ мурожаатига асосан уни зарур телекоммуникациялар, Интернет жаҳон ахборот тармоғига кириш ва телефон алоқаси билан белгиланган тартибда таъминласин.

7. Вазирлар Маҳкамасининг «Ўзбекистон Республикаси Олий ва ўрта махсус таълим вазирлиги хузурида «Маънавият ва маърифат» марказини ташкил этиш тўғрисида» 2011 йил 12 январдаги 11-сон [қарорига](#) (Ўзбекистон Республикаси ҚТ, 2011 й., 1-2-сон, 9-модда) [4-иловага](#) мувофиқ ўзгартиришлар киритилсин.

8. Ўзбекистон Республикаси Олий ва ўрта махсус таълим вазирлиги манфаатдор вазирлик ва идоралар билан биргаликда ўзлари қабул қилган норматив-хукуқий хужжатларни бир ой муддатда ушбу қарорга мувофиқлаштирун.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Абдуҳакимов ҳамда олий ва ўрта маҳсус таълим вазири И.У. Маджидов зиммасига юклансин.


Ўзбекистон Республикасининг Бош вазири А. АРИПОВ

Тошкент ш.,
2018 йил 17 сентябрь,
736-сон

Вазирлар Маҳкамасининг 2018 йил 17 сентябрдаги 736-сон қарорига
1-ИЛОВА

**Ўзбекистон Республикаси Олий ва ўрта маҳсус таълим вазирлиги хузуридаги
«Маънавият ва маърифат» марказининг**

ТУЗИЛМАСИ



Марказ ходимларининг чекланган сони (техник, хизмат кўрсатувчи ва ўкув-ёрдамчи ходимлар ва профессор-ўқитувчилардан ташқари) — 40 нафар, шу жумладан бошқарув ходимлари сони — 12 нафар.

* Техник, хизмат кўрсатувчи ва ўкув-ёрдамчи ходимлар сони олий таълим муассасалари учун белгиланган нормативлар асосида белгиланади.

Вазирлар Маҳкамасининг 2018 йил 17 сентябрдаги 736-сон қарорига
2-ИЛОВА

**Ўзбекистон Республикаси Олий ва ўрта маҳсус таълим вазирлиги хузуридаги
«Маънавият ва маърифат» маркази фаолиятини такомиллашшириш ҳамда талаба ва
ўкувчиларнинг дарсдан бўш вақтини мазмунли ташкил этиш**

ЧОРА-ТАДБИРЛАРИ ДАСТУРИ

Олдинги таҳтирга қаранг.

T/p	Чора-тадбирлар номи	Амалга ошириш механизми	Бажариш муддати	Масъуллар
1.	Талабалар ўртасида «Йил талабаси» танловини жорий этиш ва унинг ҳар йили ўтказиб борилишини ўйлга қўйиш.	1. «Йил талабаси» танловини ўтказиб бўйича ишчи гурух таркибини шакллантириш. 2. «Йил талабаси» танловининг низомини ишлаб чиқиш ва тасдиқлаш. 3. Танловни олий таълим муассасалари талabalari ўртасида ўтказиб бориш.	2018 йил сентябрь 2018 йил сентябрь ҳар йили	Олий ва ўрта маҳсус таълим вазирлиги, тасарруфида олий таълим муассасалари бўлган вазирликлар ва идоралар, Ўзбекистон ёшлар иттифоқи, Республика Маънавият ва маърифат маркази
2.	Соғлом оила қуриш, соғлом фарзандни дунёга келтириш, соғлом турмуш тарзини юритиши (тўғри овқатланиш, гигиена, тиббий маданият, спорт билан шуғулланиш ва бошқалар) асосларини талаба ва ўқувчи қизлар ўртасида манзилли тарғиб этиши мақсадида якка тартибда тушунтириш ишлари, очик мулоқот, сайёр қабул ва давра сухбатларини ташкил этиши.	1. Тадбирларни ўтказиб бориш бўйича ишчи гурухни тузиш. 2. Ҳамкор ташкилотлар билан биргаликда тадбирлар режасини ишлаб чиқиши. 3. Тадбирларни юқори савияда ўтказиши.	2018 йил сентябрь 2018 йил сентябрь мунтазам	Соғликни сақлаш вазирлиги, Халқ таълими вазирлиги, Олий ва ўрта маҳсус таълим вазирлиги, Касб-хунар таълими маркази, Ўзбекистон Хотин-қизлар қўмитаси, Ўзбекистон ёшлар иттифоқи, Ўзбекистон Республикаси Маҳалла ва оиласи қўллаб-қувватлаш вазирлиги, «Соғлом авлод учун» халқаро жамоат фонди
3.	Талаба ва ўқувчи қизларнинг тадбиркорлик соҳасига оид билим ва кўнникмаларини ошириш бўйича тадбиркор, хунарманд аёллар иштироқида ўқув-тренинглар ташкил этиши.	1. Ҳамкор ташкилотлар вакилларидан иборат ишчи гурух тузиш. 2. Ҳамкор ташкилотлар билан биргаликда ўқув-тренинглар режасини ишлаб чиқиши.	2018 йил сентябрь 2018 йил сентябрь мунтазам	Ўзбекистон Хотин-қизлар қўмитаси, Бандлик ва меҳнат муносабатлари вазирлиги, Савдо-саноат палатаси, Марказий банк

		3. Ўқув-тренингларни юқори савияда ўтказиш.		
4.	Талаба ва ўқувчи қизларни тадбиркорликка йўналтириш ҳамда уларнинг боқимандалик кайфиятига берилишининг олдини олишга қаратилган кўрсатув ва эшииттиришларни ташкил этиш.	1. Ҳамкор ташкилотлар вакилларидан иборат ишчи гурухини тузиш. 2. Ҳамкор ташкилотлар билан биргаликда кўрсатувлар медиа-режасини ишлаб чиқиш. 3. Кўрсатувларни юқори савияда ташкил этиш.	2018 йил сентябрь 2018 йил октябрь мунтазам	Ўзбекистон миллий телерадиокомпанияси, Ўзбекистон Хотин-қизлар қўмитаси, Ўзбекистон Республикаси Маҳалла ва оиласи қўллаб-қувватлаш вазирлиги, «Нуроний» жамғармаси, Ўзбекистон ёшлар иттифоқи
5.	«Буюкларни тарбиялаган онажонлар» рукнида атоқли олимлар, таниқли арбобларнинг оиласи, аввало, уларни тарбиялаган оналар ҳақида туркум мақолалар ва кўрсатувлар ташкил этиш. «Фарзандлар тарбиясида китобнинг ўрни» мавзусига оид мақолаларни мунтазам равишда тайёрлаш ва чоп этиб бориш.	1. Ҳамкор ташкилотлар вакилларидан иборат ишчи гурухи тузиш. 2. Ҳамкор ташкилотлар билан биргаликда иш режасини ишлаб чиқиш. 3. Мақолаларни тайёрлаш ва чоп этиб бориш.	2018 йил сентябрь 2018 йил октябрь мунтазам	Ўзбекистон Ёзувчилар ўюшмаси, Ўзбекистон миллий телерадиокомпанияси, Республика Маънавият ва маърифат маркази, Ўзбекистон Хотин-қизлар қўмитаси, Ўзбекистон Миллий ахборот агентлиги, Ўзбекистон Матбуот ва ахборот агентлиги
6.	Талабаларнинг ижтимоий-психологик ҳолатини янада яхшилаш мақсадида ҳар бир олий таълим муассасасида мутахassisлардан иборат Социологик ва педагогик-психологик хизмат гурухини ташкил этиб, таълим муассасаси раҳбарига мазкур гурух аъзоларини ҳар ойда белгиланган тартиб	1. Белгиланган тартибида ҳар бир олий таълим муассасасида мутахassisлардан иборат Социологик ва педагогик-психологик хизмат гурухини ташкил этиш. 2. Социологик ва педагогик-психологик хизмат гурухи фаолиятини	2018 йил сентябрь мунтазам	Олий ва ўрта махсус таълим вазирлиги, манфаатдор вазирликлар ва идоралар

	асосида моддий рафбатлантириб бориш ваколатини бериш.	мониторинг қилиб бориш.		
7.	Талаба ва ўкувчи қизларга шарт-шароитлар яратиш, уларга бўлган юксак эътибор сифатида Ўзбекистон Республикаси Президентининг «Хотин-қизларни қўллаб-куватлаш ва оила институтини мустаҳкамлаш соҳасидаги фаолиятни тубдан такомиллаштириш чора-тадбирлари тўғрисида» 2018 йил 2 февралдаги ПФ-5325-сон Фарменининг мазмун-моҳияти ҳақида давра сухбатларини ташкил этиш.	1. Талаба ва ўкувчи қизларга шарт-шароитлар яратиш бўйича тадбирлар ўtkazadigan ijodiy guruh tuzish. 2. Ўзбекистон Республикаси Президентининг 2018 йил 2 февралдаги ПФ-5325-сон Фарменининг мазмун-моҳияти тушунтириш бўйича тадбирларни ўtkaziш режажадвалини тасдиқлаш. 3. Режа-жадвал асосида тадбирларни ташкил этиш.	2018 йил сентябрь 2018 йил ноябрь мунтазам	Ўзбекистон Хотин-қизлар қўмитаси, Вазирлар Маҳкамаси хузуридаги «Оила» илмий-амалий тадқиқот маркази, Республика Маънавият ва маърифат маркази
8.	Талabalар турар жойларида таълим муассасасининг ички имкониятларидан келиб чиқсан ҳолда, талabalар учун барча шароит ва имкониятларга эга бўлган хунармандчилик ва илм-фанга доир тўгараклар ҳамда ўкув курслари ташкил этиш.	1. Ҳар бир талabalар турар жойидаги тўгарак ёки ўкув курси учун мос бўлган жойларни аниқлаб, рўйхатини шакллантириш. 2. Талabalар турар жойларида хунармандчилик ва илм-фанга доир тўгараклар ҳамда ўкув курсларини ташкил этиш.	2018 йил сентябрь 2018 йил ноябрь	Олий ва ўрта маҳсус таълим вазирлиги, Ўзбекистон ёшлар иттифоқи, манфаатдор вазирликлар ва идоралар
9.	Таълим муассасаларида «Президент асарлари билимдони», «Тафаккур синовлари», «Кувноқлар ва зукколар», «Талabalар театр студиялари», «Ёш китобхонлар», «Ягонасан, муқаддас	1. Олий таълим муассасаларининг йиллик харажатлар сметасига ўtkazilaётgan танловлар ҳамда спорт мусобақаларини олий таълим муассасаларининг	ҳар йили алохида режа асосида	Олий ва ўрта маҳсус таълим вазирлиги, Ўзбекистон ёшлар иттифоқи, Республика Маънавият ва маърифат маркази

	<p>«Ватан!» каби республика миқёсида ўтказилаётган танловлар ҳамда спорт мусобақаларини юқори савияда ташкил этиш мақсадида уларни олий таълим муассасаларининг бюджетдан ташқари маблағлари ҳисобидан молиялаштириш тизимини такомиллаштириш.</p>	<p>бюджетдан ташқари маблағлари ҳисобидан молиялаштириш бандини киритиши.</p> <p>2. Танловлар ҳамда спорт мусобақаларининг ҳар бир олий таълим муассасасида юқори савияда ташкил этилишини таъминлаш.</p> <p>3. Ўтказилган тадбирлар натижасини мониторинг қилиш.</p>	мунтазам	
10.	<p>Таълим муассасалари ўртасида республика миқёсида ташкил этилаётган спорт мусобақалари сонини янада ошириш, мусобақалар ўтказиладиган спорт турларини кенгайтириш, таълим муассасалари ўртасида спорт турлари бўйича ўртоқлик учрашувлари ўтказиб борилишини йўлга қўйиш.</p>	<p>1. Таълим муассасаларида ташкил этилаётган спорт мусобақалари турларини қайта кўриб чиқиши.</p> <p>2. Таълим муассасалари ўртасида республика миқёсида ташкил этилаётган спорт мусобақалари сонини янада ошириш ва мусобақа ўтказиладиган спорт турларини кенгайтириш чораларини белгилаш.</p> <p>3. Таълим муассасалари ўртасида спорт турлари бўйича ўртоқлик учрашувлари режасини ишлаб чиқиши.</p>	<p>2018 йил сентябрь 2018 йил октябрь</p> <p>мунтазам</p>	<p>Олий ва ўрта маҳсус таълим вазирлиги, тасарруфида олий ва ўрта маҳсус, касб-хунар таълими муассасалари бўлган вазирликлар ва идоралар</p>
11.	<p>Олий ва ўрта маҳсус, касб-хунар таълими муассасаларидаги тўгаракларни тўлиқ хатловдан ўтказиш ва</p>	<p>1. Тўгарак раҳбарларига иш ҳақи микдорининг 25 фоизигача бўлган микдорда устама ҳақ белгилаш</p>	<p>2018 йил сентябрь 2018 йил октябрь</p>	<p>Олий ва ўрта маҳсус таълим вазирлиги, тасарруфида олий ва ўрта маҳсус, касб-хунар таълими</p>

	<p>барча тўгаракларнинг самарали фаолият юритишини таъминлаш мақсадида тўгарак раҳбарларини моддий қўллаб-куватлаш чораларини кўриш.</p>	<p>бўйича намунавий тартиб ишлаб чиқиш.</p> <p>2. Талаба ва ўқувчиларни ўз қизиқишидан келиб чиқкан ҳолда тўгаракларга кенг қамраб олинишини таъминлаш.</p> <p>3. Талабалар томонидан тўгараклар давомида яратилган маҳсулотлар реализациясини ва кўргазмаларини йўлга кўйиш.</p>	мунтазам	муассасалари бўлган вазирликлар ва идоралар
12.	<p>Талабалар турар жойидаги тарбиячи-педагогларнинг педагогик маҳорати ва ёшлар билан олиб бориладиган тарбиявий ишлар бўйича малакасини ошириш чораларини кўриш ҳамда улар учун сайёр семинар-тренинглар ўтказиб бориш механизмини жорий этиш.</p>	<p>1. Тарбиячи-педагогларнинг малакасини ошириш юзасидан таклиф ишлаб чиқиш бўйича ишчи гурӯх тузиш.</p> <p>2. Тарбиячи-педагогларнинг малакасини ошириш ва улар учун семинар-тренинглар ўтказиб бориш бўйича таклиф ишлаб чиқиш.</p> <p>3. Ишлаб чиқилган таклиф асосида тарбиячи-педагогларнинг малакасини ошириш механизмини жорий қилиш.</p>	<p>2018 йил сентябрь</p> <p>2018 йил октябрь</p> <p>2018 йил ноябрь</p>	<p>Олий ва ўрта маҳсус таълим вазирлиги, тасарруфида олий таълим муассасалари бўлган вазирликлар ва идоралар, Республика Маънавият ва маърифат маркази, Ўзбекистон Хотин-қизлар қўмитаси, бошқа манбаатдор вазирликлар ва идоралар</p>
13.	<p>Талабаларда китобхонлик ва мутолаа маданиятини юксалтириш мақсадида гурӯхлар, факультетлар ва таълим муассасалароро (онлайн, видеоконференция тарзида) адабий учрашувлар, шеърият кечалари, адабий</p>	<p>1. Тадбирларнинг манзилли режасини ишлаб чиқиш.</p> <p>2. Тадбирларни ўз вақтида ташкил этиб бориш.</p> <p>3. Ўтказилаётган тадбирларнинг</p>	<p>2018 йил сентябрь</p> <p>режа асосида</p> <p>хар чоракда</p>	<p>Олий ва ўрта маҳсус таълим вазирлиги, тасарруфида олий ва ўрта маҳсус, касб-хунар таълими таълим муассасалари бўлган вазирликлар ва идоралар</p>

	ўқишилар, навоийхонлик, бобурхонлик каби тадбирларни ташкил этиш.	мониторингини юритиш.		
14.	Ҳар бир таълим муассасасида нотиқлик маҳоратига эга бўлган талаба (ёки ўқувчи)лардан иборат «Ёш тарғиботчилар клуби»ни ҳамда «IQ-SHOU» номли телетанловни ташкил этиш.	1. Клубнинг намунавий низомини ишлаб чиқиши. 2. Клубларнинг таълим муассасалароро сафарларини ўюштириши.	2018 йил сентябрь режа асосида	Олий ва ўрта махсус таълим вазирлиги, Ўзбекистон миллий телерадиокомпанияси, тасарруфида олий таълим муассасалари бўлган вазирликлар ва идоралар
15.	Талаба ва ўқувчиларни янги ахборотлар билан мунтазам таъминлаб бориши мақсадида талабалар турар жойларида Ахборот-ресурс марказида мавжуд китоблар билан таъминланган хона ва Интернет жаҳон ахборот тармоғига уланган (маълумотлар базасига уланган) хонани ташкил этиш.	1. Ахборот-ресурс марказида мавжуд китоблар билан таъминланган хона ва Интернет жаҳон ахборот тармоғига уланган (маълумотлар базасига уланган) хонага эга бўлмаган талабалар турар жойлари рўйхатини шакллантириши. 2. Талабалар турар жойларида Ахборот-ресурс марказида мавжуд китоблар билан таъминланган хона ва Интернет жаҳон ахборот тармоғига уланган (маълумотлар базасига уланган) хонани ташкил этиш. 3. Хоналардан фойдаланиш бўйича доимий назорат олиб бориш.	2018 йил сентябрь 2018 йил октябрь мунтазам	Олий ва ўрта махсус таълим вазирлиги, тасарруфида олий ва ўрта махсус, касб-хунар таълими муассасалари бўлган вазирликлар ва идоралар
16.	Талаба ва ўқувчилар ўртасида диний бағрикенглик ва миллатлараро тотувлик ғояларини кенг тарғиб қилиш мақсадида тизимли равища	1. Тадбирларнинг манзилли режасини ишлаб чиқиши.	2018 йил сентябрь режа асосида мунтазам	Олий ва ўрта махсус таълим вазирлиги, Вазирлар Мажкамаси хузуридаги Дин ишлари бўйича қўмита, манфаатдор вазирлик ва идоралар

	диний уламолар билан учрашувлар, маънавий-маърифий тадбирлар ўюштириш.	2. Тадбирларни ўз вақтида ташкил этиб бориш. 3. Ўтказилаётган тадбирларнинг мониторингини юритиш.		
17.	Мутахассисларни жалб этган ҳолда, талаба (ўқувчи)лар ўртасида бадиий жамоалар фаолиятини йўлга қўйиш ва уларнинг ўзлари таҳсил олаётган олий таълим муассасаси ҳамда яқин худудлардаги маҳаллаларда бадиий-ижодий чиқишиларини ташкил этиб бориш.	1. Бадиий жамоалар фаолиятини йўлга қўйиш. 2. Бадиий жамоаларнинг бадиий-ижодий чиқиши бўйича манзилли режа ишлаб чиқиш. 3. Ўтказилаётган бадиий-ижодий чиқишиларни оммавий ахборот воситаларида ёритиб бориш.	2018 йил сентябрь 2018 йил октябрь 2018 йил давомида	Олий ва ўрта маҳсус таълим вазирлиги, тасарруфида олий ва ўрта маҳсус, касб-хунар таълими муассасалари бўлган вазирликлар ва идоралар
18.	Талаба ва ўқувчилар иштироқида республика оммавий ахборот воситаларида талabalар ва ўқувчиларнинг чиқишилари бўйича танловлар эълон қилиш.	1. Танловлар низомини ишлаб чиқиш. 2. Танловлар дастурини ишлаб чиқиш. 3. Ўтказилаётган танловларнинг мониторингини юритиш.	2018 йил сентябрь 2018 йил октябрь 2018 йил давомида	Олий ва ўрта маҳсус таълим вазирлиги, тасарруфида олий ва ўрта маҳсус, касб-хунар таълими муассасалари бўлган вазирликлар ва идоралар, манфаатдор вазирлик ва идоралар
19.	Талабаларнинг маънавият, тарих, санъат соҳасида ҳамда миллий қадриятлар ва анъаналар, маданий меросимиз тўғрисидаги билимларини бойитиши, уларда миллий ғурур ва ифтихор туйғуларини юксалтириш, уларни тарихий-маънавий меросимиз, урф-одат ва анъаналаримизга хурмат руҳида тарбиялаш чораларини	1. Мазкур масала бўйича дастур ишлаб чиқиш. 2. Дастур асосида тадбирлар ўтказиши йўлга қўйиш. 3. «Ватаним — менинг баҳтим» шиори остида бой тарихий-маънавий меросимиз, урф-одат ва	2018 йил ноябрь режа асосида 2018/2019 ўқув йили давомида	Олий ва ўрта маҳсус таълим вазирлиги, тасарруфида олий таълим муассасаси бўлган вазирликлар ва идоралар, Ўзбекистон ёшлар иттифоқи, Республика Маънавият ва маърифат маркази, олий таълим муассасалари ректорлари

	янада кучайтириш хамда натижадорлигини тъминлаш.	анъаналаримизни тарғиб этиш.		
20.	«Ўкув даргоҳимизни юксак маънавият ва маърифат масканига айлантирамиз» мавзусида ижтимоий акциялар ташкил этиш.	<p>1. Ижтимоий акциялар ўтказишнинг намуниавий дастурини ишлаб чиқиши.</p> <p>2. Ҳар бир таълим муассасасида дастур асосида ижтимоий акциялар ўтказиши.</p> <p>3. Ижтимоий акциялар якуни бўйича республика форумини ўтказиши.</p>	<p>2018 йил сентябрь</p> <p>2018 йил октябрь — ноябрь</p> <p>2018 йил ноябрь</p>	Олий ва ўрта маҳсус таълим вазирлиги, Ўзбекистон ёшлар иттифоқи, Республика Маънавият ва маърифат маркази, тасарруфида олий ва ўрта маҳсус, касб-хунар таълими муассасалари бўлган вазирликлар ва идоралар, манбаатдор вазирликлар ва идоралар
21.	Олий таълим муассасаларининг Талабалар театр студияси ва «Кувноқлар ва зукколар» жамоаларининг худуддаги ўрта маҳсус, касб-хунар таълими муассасалари бўйлаб маҳсус режа-жадвал асосидаги ижодий сафарларини ташкил этиш.	<p>1. Ижодий сафарларнинг режа-жадвалини ишлаб чиқиши.</p> <p>2. Ҳар бир таълим муассасасида режа-жадвал асосида ижодий сафарлар уюшириши.</p> <p>3. Ўтказилаётган ижодий сафарлар мониторингини олиб бориши.</p>	<p>2018 йил сентябрь</p> <p>режа-жадвал асосида</p> <p>мунтазам</p>	Олий ва ўрта маҳсус таълим вазирлиги, Касб-хунар таълими маркази, Ўзбекистон ёшлар иттифоқи
22.	Талаба ва ўқувчи қизлар ўртасида «Қиз бола — бўлғуси оила бекаси» мавзусида давра сухбатлари ташкил этиш.	<p>1. Мазкур масала бўйича дастур ишлаб чиқиши.</p> <p>2. Дастур асосида мутахассис тарғиботчилар рўйхатини шакллантириши.</p> <p>3. Ҳар бир таълим муассасасида учрашув, давра сухбати ва семинар-</p>	<p>2018 йил сентябрь</p> <p>2018 йил октябрь</p> <p>2018 йил сентябрь — декабрь</p>	Хотин-қизлар қўмитаси, Ўзбекистон ёшлар иттифоқи, Республика Маънавият ва маърифат маркази, Олий ва ўрта маҳсус таълим вазирлиги

		тренинглар ташкил этиш.		
23.	«Талаба ёшлар маънавий-ахлоқий онгини шакллантиришнинг ижтимоий-фалсафий хусусиятлари» мавзусида илмий-амалий конференция ташкил этиш.	<p>1. Конференцияни ўтказиш бўйича ишчи гуруҳни ташкил этиш.</p> <p>2. Конференцияни эълон қилиш ва унинг ахборот хатини тарқатиш.</p> <p>3. Конференция мақолаларини йиғиб олиш.</p> <p>4. Конференцияни ўтказиш.</p> <p>5. Конференция материаллари асосида хуоса таклифлари тайёрлаш.</p>	<p>2018 йил сентябрь</p> <p>2018 йил октябрь</p> <p>2018 йил сентябрь — октябрь</p> <p>2018 йил ноябрь</p> <p>2018 йил ноябрь</p>	Олий ва ўрта маҳсус таълим вазирлиги, тасарруфида олий ва ўрта маҳсус, касб-хунар таълими муассасалари бўлган вазирликлар ва идоралар, Ўзбекистон ёшлар иттифоки, Республика Маънавият ва маърифат маркази, манбаатдор вазирлик ва идоралар
24.	Талабалар ва ўқувчиларнинг бўш вақтини мазмунли ташкил этишга доир ишлар тизимини такомиллаштиришга қаратилган илмий тадқиқотлар олиб бориш учун эълон қилинган грант танловлари натижасига кўра илмий грантлар ажратиш чораларини кўриш.	<p>1. Илмий грантлар мавзуларини аниқлаш бўйича эксперт комиссиясини тузиш.</p> <p>2. Илмий грантлар мавзуларини эълон қилиш.</p> <p>3. Грантларда эълон қилинган мавзулар бўйича тадқиқотлар натижаларини амалиётга татбик этиш чораларини кўриш.</p>	<p>2018 йил сентябрь</p> <p>2018 йил октябрь</p> <p>белгиланган муддатларда</p>	Инновацион ривожланиш вазирлиги, Фанлар академияси, Олий ва ўрта маҳсус таълим вазирлиги, манбаатдор вазирлик ва идоралар
25.	Таниқли ва юқори илмий салоҳиятга эга академик ва профессор-	1. Мазкур масала бўйича режа-	<p>2018 йил сентябрь</p> <p>2018 йил</p>	Олий ва ўрта маҳсус таълим вазирлиги, Ахборот технологиялари ва коммуникацияларини

	ўқитувчиларнинг онлайн тарздаги видеодарсларини ташкил этиш тизимини жорий қилиш.	жадвал ишлаб чиқиш. 2. Режа-жадвал асосида академик ва профессор-ўқитувчилар рўйхатини шакллантириш ва дарс жадвалини ишлаб чиқиш. 3. Ҳар бир йўналиш бўйича академик ва профессор-ўқитувчиларнинг онлайн видеодарсларини ўтказиб бориш.	сентябрь тасдиқланган режа-жадвалга мувофиқ	ривожлантириш вазирлиги, Фанлар академияси, манбаатдор вазирлик ва идоралар
26.	Таълим муассасаларида «Оила — маънавият кўргони», «Шукроналик — улуг неъмат», «Ободлик кўнгилдан бошланади» мавзуларида мутахассислар иштирокидаги учрашув, давра сухбати ва семинар-тренинглар ташкил этиш.	1. Мазкур масала бўйича дастур ишлаб чиқиш. 2. Дастур асосида мутахассис тарғиботчиilar рўйхатини шакллантириш. 3. Ҳар бир таълим муассасасида учрашув, давра сухбати ва семинар-тренинглар ташкил этиш.	2018 йил сентябрь 2018 йил сентябрь 2018 йил август — декабрь	Ўзбекистон ёшлар иттифоқи, Республика Маънавият ва маърифат маркази, Олий ва ўрта махсус таълим вазирлиги, Ўзбекистон Хотин-қизлар қўмитаси
27	Талабалар ва ўқувчиларда шукроналик ҳиссини янада кучайтиришга қаратилган «Эзгу ишларга дахлорлик — улуг фазилат», «Лоқайдлик — жамият кушандаси» мавзусида илмий-ижодий танловлар ташкил этиш.	1. Танловлар низомини ишлаб чиқиш. 2. Низом асосида танловларни юқори савиядга ташкил этиш.	2018 йил сентябрь 2018 йил сентябрь — декабрь	Республика Маънавият ва маърифат маркази, Ўзбекистон ёшлар иттифоқи, Олий ва ўрта махсус таълим вазирлиги, Ўзбекистон Хотин-қизлар қўмитаси

(2-илюва Ўзбекистон Республикаси Вазирлар Маҳкамасининг 2020 йил 19 июнданги 391-сонли қарори таҳтирида — Конун ҳужжатлари маълумотлари миллий базаси, 19.06.2020 й., 09/20/391/0777-сон)

Вазирлар Маҳкамасининг 2018 йил 17 сентябрдаги 736-сон қарорига
3-ИЛОВА

**Ўзбекистон Республикаси Олий ва ўрта маҳсус таълим вазирлиги
хузуридаги»Маънавият ва маърифат» маркази ходимларининг меҳнатига ҳақ тўлаш
РАЗРЯДЛАРИ**

T/р	Лавозимлар номи	Меҳнатга ҳақ тўлаш разядлари
1.	Директор	*
2.	Ташкилий, маънавий-маърифий ва ижтимоий-сиёсий масалалар бўйича директор ўринbosари	**
3.	Ахборот-коммуникация технологияларини жорий қилиш, маданий дам олишни ташкил этиш ва жамоатчилик билан ишлаш бўйича директор ўринbosари	**
4.	Бўлим бошлиғи	16
5.	Психолог	15
6.	Услубчи	14
7.	Бош бухгалтер	14
8.	Бош юрисконсульт	12
9.	Журналист-муҳаррир	12
10.	Бош дастурловчи	12
11.	Таржимон	12
12.	Бош ижтимоий ходим	12
13	Ахборот хавфсизлиги бўйича бош мутахассис	12
14.	Видео-фото тасвир бўйича бош мутахассис	12
15.	Видео монтаж бўйича бош мутахассис	12
16.	Аудио монтаж бўйича бош мутахассис	12
17.	Веб-дизайнер	12
18.	Техник фойдаланиш ва хўжалик бўлими мудири	10
19.	Иқтисодчи	8
20.	Девонхона ва архив бўлими мудири	7
21.	Кадрлар бўйича инспектор	6
22.	Архивариус	4
23.	Ғазначи	4

* мос равишида олий таълим муассасасининг факультет декани базавий лавозим маошига тенглаштирилади;

** мос равишида олий таълим муассасасининг факультет декани ўринbosари базавий лавозим маошига тенглаштирилади;

Марказнинг хўжалик ва хизмат кўрсатувчи ходимлари сони ва уларнинг меҳнатига ҳақ тўлаш миқдорлари — олий таълим муассасалари учун белгиланган нормативлар ва меҳнатга ҳақ тўлаш миқдорига мос равишида белгиланади.

Вазирлар Маҳкамасининг 2018 йил 17 сентябрдаги 736-сон қарорига
4-ИЛОВА

**Вазирлар Маҳкамасининг «Ўзбекистон Республикаси Олий ва ўрта маҳсус таълим вазирлиги хузурида «Маънавият ва маърифат» марказини ташкил этиш тўғрисида»
2011 йил 12 январдаги 11-сон қарорига киритилаётган ўзгартиришлар**

1. [2](#) ва [3-бандлар](#) ўз кучини йўқотган деб ҳисоблансин.
2. 7-банднинг [иккинчи хатбошиси](#) қуидаги таҳрирда баён этилсин:
«2018 йилда Ўзбекистон Республикаси Давлат бюджети параметрларида «Ижтимоий соҳа» учун назарда тутилган маблағлар доирасида Марказни сақлаш ва унинг фаолиятини молиялаштириш учун зарур маблағлар ажратсан, 2019 йилдан бошлаб эса ҳар иили Ўзбекистон Республикаси Давлат бюджетидан «Маориф» соҳасига ажратиладиган харажатлар параметрларида назарда тутсин».
3. [1-илова](#) ўз кучини йўқотган деб ҳисоблансин.

(Конун ҳужжатлари маълумотлари миллий базаси, 19.09.2018 й., 09/18/736/1886-сон; 19.06.2020 й., 09/20/391/0777-сон)